

# Kontuola

ANTZUOLA / Egubakoitza / 2002ko apirilaren 19a / 108. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

## Pintadak garbitzea bere gain hartzea erabaki zuen Udalak

AINTZANE IRIZAR


Martxoaren 26an ezohiko osoko bilkura egin zuen Udalak. Otsailaren 20an herrian azaldutako pintaden gainean erabaki bat hartzea zen pleno berezi hori egiteko arrazoia. Azkenean, Udalak erabaki zuen bere gain hartzea pintadak garbitzea.

Otsailaren 20an pintada ugari azaldu zen herrian. Etxe partikularretan egin zituzten pintadok, eta ordenantzen arabera, ez dagokio Udalarri pintadak garbitzea. Hala ere, garbiketa hori bere gain hartzea erabaki du Udalak. Gauzak horrela, laster hasiko dira pintadak garbitzen.

Batzarraren hasieran, Batasunaren iritzia azaltzeko, idatzi bat irakurri zuen alkateak. Kaltetuekiko elkartasuna adierazi eta ekintza hori ez zuela onartzen azaldu zuen Batasunak. Bestalde, pintadak, Euskal Herriak bizi duen egoera politikoaren ondorio direla ere adierazi zuten.

Beste bi proposamen ere bozkatu zituzten osoko bilkuran: pintaden atzean egoera politiko zehatz bat dagoela adierazten zuen puntua onartu zuten bate-tik; eta bestetik, pintadak ez dituztela onartzen eta justifikatzen adierazi zuten.

**EZTABAIDAREN OSTEAN, ADOSTASUNA** Eztabaida luzea izan zuten zinegotziek. Juan Benítez PSE-EEko zinegotziak pintadak Udalak gar-



Otsailaren 20ko gauean pintada ugari azaldu ziren herriko hormetan.

*Pintadak ez dituztela onartzen eta justifikatzen adierazi zuen udalbatzarrak*

*Ekintza honen atzean egoera politiko zehatz bat dagoela adierazi zuten*

*PSE-EEko zinegotzi Juan Benítezek pintadak Udalak garbitzearen aurka bozkatu zuen*

bitzearen aurka bozkatu zuen, eta beste bi puntuetan abstenitu egin zen. Gainerako zinegotziak, baina, bat etorri ziren hartutako

erabakietan. Bozkatutako puntuetan adostasuna azaldu arren, Jose Angel Zabalo EAJko zinegotziak salatu zuen Udala ez dela

gai izan pintaden gaineko komunitatu bat ateratzeko; bestetik, Batasunaren idatzia arina dela adierazi zuen.

### LABUR

#### Hainbat lapurreta egin zituzten joan zen asteburuan

Zapatutik domekarako gauean Itzar liburu-dendan lapurrak sartu eta tabakoa eta dirua eramane zituzten. Pertsianan zuloa egin eta atea indarrez zabaldu zuten barrura sartzeko. Kalebarrenen kotxe bat lapurtu zuten, eta beste bi kotxe azaldu ziren kableekin konexioa eginda.

#### Udalekuetarako begiraleak behar dituzte

Aurten, uztailaren 1etik 18ra izango dira udalekuak, eta begirale moduan jarduteko jendea behar dute. Bi baldintza eskatzen dituzte begirale aritzeko: euskaraz jakitea eta 18 urteak beteta izatea. Interesatuak, udaletxean eta Udala liburutegian eman dezakete izena.

#### Herriko neska-mutikoendako ipuin lehiaketa

Apirilaren 23a baino lehen, liburutegian entregatu behar dira Patxiko Txerren ipuingintzan parte hartzeko ipuinak. Ikastetxeko lehen mailatik seigarrenera bitartekoek parte har dezakete. San Isidroko ferian, maiatzaren 18an, banatuko dituzte sariak.



Jose Gomez Abad

Errekalde 6, 4-B.  
Antzuola  
943 76 60 19  
943 76 60 43  
Faxa:  
943 76 60 19

INDUSTRI MANTENIMENDUA

**LARREA**

**TABERNA**

Kalebarren 17  
ANTZUOLA

**AITZ-GARBI**



Pintxoak eta kazuelatxoak.  
Bazkariak eta afariak

Kalebarren 15. Tf. 943 78 70 51  
ANTZUOLA

**ANTZUOLA**

Apainketak eta isolamenduak  
Pladurrezko dibisioak

Kalegoi 21 ANTZUOLA  
676 997 400  
Biltegia: 943 78 70 40



## Kartoiz eta paperez beteta edukiontziaeren inguruak

Joan den egunean, apirilaren 4an, ateratakoa duzue honako argazki hau. Herri Ikastetxearen aurreko aldean, paperendako eta kartoiendako dagoen edukiontziaeren inguruak zikin-zikin egin da azaldu ziren egun hartan. Udalean esan digutenez, gainera, ez da hori gertatzen den lehen aldia. Badirudi norbaitek kartoiak kanpoan laga zituela, eta gero etorri ziren guztiek ere gauza berbera egin zutela. Edukiontzian, baina, nahiko toki zegoen oraindik. Antzuolako Udaleko ardura-dunek espero dute jendea kontzientziatu eta horrelako gehiago ez gertatzea./A.I.

## KIROLA

### Futbol taldeei amaitu zaie Aste Santuko oporraldia

Aste Santua zela-eta, azken bi asteburuetan ez dute partidurik izan. Oraingo asteburuan itzuliko dira futbol zelaietara. Erregionalekoek etxean jokatu dute, Urolaren aurka. Gainerakoek, berriz, kanpoan: neskek Legazpin, gazteek Irunen eta kadeteek, berriz, Aretxabaletan.

### Peñagarikano 8. geratu zen Euskadiko Duatloi Txapelketan

Aitor Peñagarikano atleta antzuolarra zortzigarren izan zen esprint modalitateko Euskadiko Duatloi Txapelketan. Domekan jokatu zuten txapelketa hori, Barakaldon. Bost kilometro korrika, 20 bizikletan eta beste bi kilometro eta erdi korrika egin behar izan zituzten duatletek. Aitorrek 56 minutu eta 56 segundo behar izan zituen proba amaitzeko, irabazleak baino hiru minutu eta 22 segundo gehiago.

Iker eta Aitor Larreak ere parte hartu zuten: Iker hamalagarren sailkatu zen eta Aitor, berriz, hogeita hamahirugarren.

## PARTIDUAK

### FUTBOLA

Apirilak 13

16:30: Antzuola-Urola B (2. erregion.)

### PILOTA

Apirilak 13 (Herriko pala txapelk.)

09:00etatik aurrera

bost partidu jokatu dituzte.

16:00etan beste partidu bat.

### Gipuzkoako Herri Artekoan ez du parte hartuko Olalde

Denboraldi ona egiten dihardute Olalde elkarte pilotariak. Udaberri Sarian, Gipuzkoako Ligan eta Debarroko Txapelketan ibili dira pilotariok.

Gipuzkoako Herri Arteko Pilota Txapelketan, baina, ezin izango du parte hartu Olalde; izan ere, nagusien mailan, kadeteetan eta infantiletan bikoteak badituen arren, Olalden ez dago gazte mailako bikoterik.

Gauzak horrela, aurtengo denboraldian ez dute txapelketa horretan parte hartuko; baina Olaldeko arduradunek espero dute 2003an parte hartzea.

## ATREBENTZIAEZPADA/ Liburutegira juateko ohiturarik badaukazu?



**GORKA ELIZBURU**  
19 urte

Juten naiz, baiña gutxi. Biharra daukadanian juten naiz; irakurri irakurtzen dot, baiña liburutegira, batez be, informaziño billa juten naiz.



**KILI GARCÍA**  
52 urte

Bai, asko gustatzen jat irakurtzia, eta erabiltzen dot herriko liburutegixa. Danerako liburuak hartu izan dittut: nobelak eta bestelakuak be.



**ANA DELGADO**  
37 urte

Alabak askotan juten die. Nik ez daukat irakurtzeko denporarik, eta gainera, liburu jakiñen bat nahi dotenian, erosi egiten dot normalian.



**AGURTZANE OLLOKIEGI**  
30 urte

Lehen, umiak, gehixago juten nintzan ipuiñak irakurtzera. Irakurtzeko afiziñua badaukat, baiña oin, umiekin, ez daukat denpora askorik.



**RAMON ARZAMENDI**  
50 urte

Gure alabak askotan juten die, baiña neu ez. Nik ja ez daukat irakurtzeko afiziñorik. Kartzelan nenguanian nahikua irakurri neban.

## LABUR

### Jose Angel Zabalok Gobernu batzordea uztea erabaki du

Martxoko ohiko osoko bilkuran adierazi zuen Jose Angel Zabalo EAJko zinegotziak Gobernu batzordea lagatzeko asmoa zuela. Martxoaren 26an egindako ezohiko bilkuran, berriz, idatziz aurkeztu zuen dimisioa. Edozelan ere, gainerako batzordeetan lanean jarraituko du Zabalok.

Gauzak horrela, Juan Jose Azkarate Zutik alderdiko kidea izango da Gobernu batzordekide berria, Mireia Unamunorekin eta Jon Kortabarriarekin batera.

**EGAÑA**  
Era guztietako arotz lanak

Tarima eta parketa jartzea  
Zoruen kutxilatutua eta barnizatuak

Kalegoi 21, ANTZUOLA Tel.: 943 76 64 23

**zabalo**  
IGELTSEROTZA

Jose Luis Zabalo

Birgaitzeak • Fatxadak  
Teilatuak  
Sukalde eta bainu gelak

Kalegoi 9, 1a., ANTZUOLA.  
Tf. 943 76 60 89

*Juan Cruz*  
ARGAZKIAK

Herriko plaza 4. Tel. 943 78 70 66. ANTZUOLA